

詔諭 奏摺附

雍正六年二月奉

上諭永順土司彭肇槐恪慎小心恭順素著兼能撫輯土民遵守法度甚屬可嘉據湖廣督撫等奏稱彭肇槐情願改土爲流使土人同沾王化朕意本不欲從其所請又據辰沅靖道王柔面奏彭肇槐實願改土爲流情辭懇切朕念該土司既具嚮化誠心不忍拒卻特沛殊恩以示優眷彭肇槐著授爲參將卽於新設流官地方補用並賜以拖沙喇哈番之職世襲罔替再賞銀一萬兩聽其在江西祖籍地方立產安插俾其子孫永遠得所著該部定議具奏

謹按雍正五年保靖土司骨肉相殘桑植土司暴虐

永順縣志

卷之一

詔諭

一

不仁皆奉

旨改土歸流惟永順土司彭肇槐恭順無過能和輯人民諸土司及鄰近郡縣皆稱其賢獨能喁喁向化懷獻土之誠而未發時有桑植副將楊凱帶兵彈壓保靖道經永順彭肇槐以獻土意請商楊凱深嘉其議肇槐遂不謀於舍把人等率子景燧具呈督撫請題呈稱生逢堯舜之世不得與於內地臣民之列深自愧悔今造具家口冊籍繪具輿圖情願改土歸流並求安插江西祖籍量授武職微員効力圖報等情具題

上勅湖南巡撫王國棟親詢肇槐果出誠心抑或有迫脅否肇槐稱世受

國恩情願改土歸流量授武職微員並非出自迫脅等語適辰沅靖道王柔引

見

上問之王柔面奏彭肇槐情願改土歸流情辭懇切並非迫脅所致

上復令肇槐進京引

見奏對稱

旨允其請遂

詔議改永順司爲永順府分其地爲永順龍山二縣與同時歸流之保靖桑植並設知縣屬永順府轄

永順縣志

卷之一

詔諭

二

雍正八年三月奉

上諭任土作貢古今之通義聞湖南新設永順一府所轄永順龍山保靖桑植四縣向來三土司每年秋糧共銀二百八十兩永順一百六士兩保靖九十六兩桑植二十四兩皆由土司交納雖有秋糧之名實不從田畝徵收永順則名火阮錢民間炊爨每一阮徵銀二錢二分保靖則名鉏頭錢每一鉏入山納銀三五錢不等桑植則名煙火錢與火阮相等所交秋糧卽於此內量行撥解至於成熟之田土官多擇其肥饒者自行種收餘復爲舍把頭人分佔民間止有零星礮角之地每年雜派數次任意輕重此土司徵民之陋規也改土歸流之後各有司因田畝未經清丈

永順縣志

卷之一

詔諭

三

或按土戶均攤或照土司田種舊冊攤派以完秋糧二百八十兩之數雖較土司陋規十不及一民皆歡欣樂輸然無田之民或以火阮等項尙未盡除而有力之家隱佔田畝不輸賦稅殊非任土作貢之義但若令有司勘丈又恐愚民無知轉生疑畏再四思維惟有令本人自行開報一法著將永順一府秋糧二百八十兩豁免一年俾土民咸知向日火阮等項從此永遠蠲除其有產之家令有司詳明勸諭許將伊等祖父遺畱或用價值買或招佃開墾已經成熟田地若干畝開明四至並將上中下地畝價值若干之處限一年內自行開報地方官給與印照准其永遠爲業此次免其稅契俟一年報齊之後有司照冊確查按

田肥瘠分別陞科以完此額賦如有隱漏者照例治究一切雜派私徵嚴行禁革如此則無業之民得免竭蹶輸將而有力之家可以永爲世業庶得愛養均平之道是在該督撫等督率有司善於經理開導使土眾民人明白曉諭共受國恩倘奉行不善仍於土民不免疑懼則咎有攸歸矣

同治十二年八月初一日內閣奉

上諭王文韶奏府城被水撥款賑卹一摺湖南永順府地方因本年夏雨過多六月間蛟水陡發衝塌郡城數丈城垣衙署倉廩監獄民房均多倒塌附近各鄉民房田廬亦多被淹間有淹斃人口小民蕩析離居覽奏情形殊堪矜憫現經該撫籌款賑撫卽着嚴飭委員會同該地方官認真稽查核實賑卹總期實惠及民不准稍有浮冒仍隨時查看如有應行撫卹之處卽着妥籌辦理毋任一夫失所城垣衙署監獄並着設法次第修復餘着照所議辦理欽此

同治十二年十二月十八日內閣抄出十六日奉  
上諭王文韶奏神靈顯應請頒匾額等語本年六月間湖  
南永順府西北鄉蛟水陡發灌入城內居民驚惶仰賴  
關帝神靈顯應得以轉危爲安實深寅感朕親書迴瀾  
垂佑匾額一方交王文韶祇領敬呈懸挂永順府  
關帝廟用答神庥欽此

奏摺附

湖南巡撫臣 跪

奏爲永順府城猝被水災謹將撥款賑卹情形恭摺奏  
祈

聖鑒事竊湖南本年夏汛濱湖之澧州安鄉武陵等縣被  
水漫淹情形業經臣隨時奏報在案六月二十九日  
據永順府知府魏式曾永順縣知縣唐賡等稟報該  
郡地處叢山向無水患詎本年六月初旬陰雨過多  
至十四五日大雨不止十六日酉刻西北鄉守車保  
地方蛟水陡發勢極洶湧當將郡城衝塌數十丈城  
內頃刻水深丈餘廟宇衙署倉廩監獄民房均多倒

永順縣志

卷之一

奏摺附

七

塌北城地勢較高居民男婦相率登城暫避有奔走  
不及被水淹斃者典史張開珍押帶監犯倉卒北趨  
未及上城遇水湧至該典史與禁卒等同時遭溺經  
救得生監犯概被衝散至十七日辰刻水漸消退文  
武各官幸皆無恙理合馳稟等情到臣當卽飭司派  
委候補知縣潘淦馳往詳細查勘並就近動撥辰州  
分局釐金錢三千串交委員帶往會同該府縣查明  
被水貧民先行妥爲撫卹去後茲據印委各員稟復  
勘得該郡水災以發水之守車保與城內被淹爲最  
重附近之車窩勺哈兩保次之外塔臥外顆砂兩保  
又次之計衝塌及泥沙壅塞田地四千餘畝毀壞城

鄉民房二千餘間淹斃男婦二十餘人倉穀漂失一千五百餘石衝散監犯共十九名現已陸續投歸八名其餘人犯現在趕緊查緝被水災民除將所撥釐金錢文散給外現復動用倉穀分別賑卹不致流離失所等情據此<sup>臣</sup>查該郡因蛟水驟至被淹較重情形甚爲可憫雖已先後動撥釐錢倉穀撫賑誠恐尙有不敷容俟隨時察看再行續籌接濟毀壞民房亦擬照例按戶酌給修費嚴飭印委各員核實稽查支放不准稍有浮冒侵蝕以冀實惠均沾並飭將沙壅田畝趕緊督率業佃挑挖修復漂失倉穀衝散監犯均飭該府縣另行照例詳辦其城垣廟宇衙署監獄

永順縣志

卷之一

奏摺

八

應如何次第修復亦當陸續妥籌辦理又該府屬之桑植縣曉岡村地方亦於六月十六日因山水陡發沿河民房間有衝塌居民淹斃數口受水地段不寬水亦旋退田禾並未損傷已飭動碾積穀酌量撫卹至被淹之澧州安鄉等濱湖州縣本年水漲較遲早稻多有搶穫尙可無庸另籌賑濟統俟秋後再行查看應否蠲緩錢糧彙案辦理外所有郡城猝遭水災撥款賑卹緣由據藩臬兩司會詳請奏前來理合會同湖廣總督<sup>臣</sup>李瀚章恭摺具陳伏乞

皇上聖鑒訓示遵行謹

奏

永順縣志卷一

疆域志

立縣以疆索域民也詩定中作室稅桑田伐琴瑟致駮牝之盛備矣永界在邊徼險要四塞箐密藏奸苗頑環伺尤當以按圖籍謹制度為務官斯土者甚毋讀紅碑撫銅柱徒侈談古人之陳迹已也

志疆域

星度

沿革

山川

廣輪

永順縣志

卷之一

疆域志

目錄

九

關隘

古蹟

星度

史記天官司翼軫荊州

天文志楚翼軫之分野翼軫鶉尾之次

周禮保章氏鶉尾楚也

漢書地理志楚地翼軫之分野也今之南郡江夏零

陵桂陽武陵長沙及漢中汝南郡盡楚分也

明史云永順漢武陵隋辰州唐溪州地也廣輿記登

壇必究二書並載永順天文翼軫分野

晉書天文志曰武陵入軫之十度

案晉隋時永順隸辰州沅皆屬武陵郡故通志從入軫十度之說舊縣志謂在九度之間亦臆測耳

永順縣志

卷之一

疆域志

星度

十

歷代沿革輯畧

永順縣屬古荒服地考禹貢荆及衡陽惟荆州商頌奮伐荆楚周職方氏正南曰荆州其時縣地屬荆楚史成王封熊繹於楚至春秋諸夷皆屬楚爲巫中地楚頃襄王二十二年秦拔楚巫中及江南置黔中郡秦始皇二十四年滅楚置黔中郡如故漢高帝五年改黔中郡爲武陵郡有沅陵零陽今永順縣卽其地也新莽時改武陵郡爲建平郡五溪酋長田疆威信素著王莽欲招徠之錫以銅印疆義不屈有子子皆雄勇自保曰吾等漢臣誓不事二姓乃以三子將五萬人下屯沅東各築一城烽火相應田子居中城王

永順縣志

卷之一

疆域志

沿革

十一

子居上城倉子居下城以拒莽莽敗復爲武陵郡建武十九年左中郎將臧宮擊武谿賊至江陵降之二十三年南蠻精夫相單程等據其險阨大寇郡縣遣武威將軍劉尙發南郡長沙武陵兵萬餘人乘船泝沅水入武谿擊之尙輕敵入險山深水疾舟船不得上蠻民知尙糧少入遠又不曉道徑遂屯聚守險尙食盡引還蠻緣路徼戰尙軍大敗悉爲所沒二十四年遣謁者李嵩中山太守馬成擊之不克馬援請行帝愍其老援據鞍顧盼以示可用帝壯而遣之二十五年援率中郎將劉匡馬武等迎擊破之斬獲二千餘人賊散走入深林二月援進營壺頭賊乘高守隘

水疾船不得上會暑甚士卒多疫死援亦病卒後單程等饑困監軍謁者宋均矯制告諭悉降之始爲置吏司元嘉元年武陵蠻詹山等四千餘人反叛拘執縣令屯結深山遣竇應明討之築城守禦或曰櫛溪一名明溪以竇應明駐師得名吳嘉禾三年太常潘濬鎮南將軍呂岱共平武陵蠻築壘於酉水之側永安六年魏遣郭純試守武陵率涪陵民屯於赤沙誘致諸蠻邑君進攻西陽縣郡中震懼吳以鍾離牧領武陵太守斬魁帥及其支黨五溪平水經注云吳永安六年武陵郡有嵩梁山高峰孤竦素壁千尋望之宕亭有似香爐其山口開元朗如門高三百丈廣二

## 永順縣志

### 卷之一

疆域志

沿革

十二

百文豫休以爲嘉祥分武陵置天門郡而零陽又屬天門郡晉咸和四年長沙郡公陶侃遣諮議參軍張誕討五溪蠻降之復於西陽析置黔陽縣今永順縣地宋

泰始中荊州刺史沈攸之責賤伐荊州於是蠻都大亂抄掠平民武陵內史蕭嶷遣隊主張莫兒率將吏擊破之按宋賦役嚴苦貧者不復堪命多逃亡入蠻蠻無徭役强者又不供官稅結黨連郡數千百人州郡力弱則起爲盜在武陵者有雄溪櫛溪辰溪酉溪武溪謂之五溪蠻梁改置大鄉縣陳分隸沅陵郡隋開皇元年置辰州處蠻爲辰州地舊唐書地理志溪州舊辰州之大鄉嗣聖八年即周天分置溪州舊

領縣二曰大鄉

卽永順

三亭

今保靖

又分置洛浦縣長安

四年以洛浦屬錦州

今麻陽

天寶元年改溪州爲靈谿

郡乾元元年復爲溪州大鄉開元十二年五溪首領覃行璋反以楊思勳爲招討使率兵六萬往執行璋斬首三千級二十六年黔州置五溪諸州經畧使大歷四年置辰巫溪錦業五州都團練守捉觀察處置使治辰州貞元元年黔州觀察使徙治辰州增領獎溪二州中和三年蠻酋分據自置刺史五代仍爲溪州大鄉梁開平三年辰州蠻酋宋鄴敘州蠻酋潘金盛恃其所居深險數擾楚邊楚王馬殷遣昭州刺史呂師周將衡山兵五千討之斬金盛四年吳敖駢圍

# 永順縣志

## 卷之一

疆域志

沿革

十三

赤石辰州刺史彭瑊率兵討之被執不屈遇害瑊江西吉水人徙居上溪州開平初爲溪州刺史乾化二年宋鄴及敘州蠻酋昌師益率溪峒諸蠻皆附馬殷殷以鄴爲辰州刺史後晉天福四年溪州刺史彭士愁率錦獎諸蠻寇辰澧二州楚王馬希範遣劉勅廖匡齊帥步卒五千人討之士愁敗走勅等政破溪州士愁逃入深山遣子師嵩納錦溪獎三州印請降希範徙溪州於便地表士愁爲溪州刺史以勅爲錦州刺史自是羣蠻服於楚希範自謂新息侯之裔以銅五千觔鑄柱高丈二尺入地六尺銘誓狀於上立之谿州

在今縣治東南百二十里會谿坪

後漢顯德中周行逢據有湖

南蠻獠數出寇邊逼辰永二州殺掠無甯日彭氏世有溪州銅柱記列名有守溪州刺史彭仕愁彭師佐守溪州三亭縣令彭師裕前守富州別駕彭師杲其後分溪州爲上中下三州又分龍賜天賜忠順感化保靜永順州六懿安遠新洽富來甯南順高州十一已有二十州名皆隸下溪州天聖中又以彭仕端爲檢校國子祭酒知溶州而忠順州又名中彭州元祐三年又有知保順州彭儒武知渭州彭思聰施溶州卽南渭州知藍州彭士明知吉州彭儒崇大率私自署置至宋爲羈縻州乾德元年慕容延釗克朗州湖南平太祖思得通蠻情習險阨勇智者以鎮撫之乃召

永順縣志

卷之一

疆域志

沿革

十四

辰州獠人秦再雄至闕下察其可用擢爲辰州刺史景德二年辰州諸蠻攻下溪州爲其刺史彭儒猛擊之立擒酋首以獻詔賜儒猛錦袍銀帶儒猛自陳母老願被恩典詔特加邑封天禧二年溪州蠻寇擾知辰州錢絳統軍入下溪州破砦柵斬蠻六十餘人降老幼千餘是時都巡檢李守元亦率兵入白霧團溪州刺史彭儒猛亡入山林絳乃執其子仕漢等赴闕詔高州蠻捕儒猛來獻者厚加賞典儒猛因順州蠻田彥宴上狀本路自訴求歸轉運使以聞上哀憐之特許釋罪儒猛乃奏上所掠民口器甲詔辰州通判劉中象召至明灘歃血要盟遣之以仕漢爲殿直天

聖初下溪州蠻彭仕漢自京逃歸誘羣蠻爲亂寇辰州殺巡檢王文慶其父儒猛以聞右侍禁史方勒兵入溪崗討捕降其黨李順同等八百餘人誅其尤惡者杜忽等十九人而儒猛已遣別子仕端殺仕漢朝廷嘉其忠降詔獎諭時儒猛爲檢校尙書右僕射特遷左僕射又以仕端爲檢校國子祭酒知溶州加賜鹽綵而史方亦遷西頭供奉官知辰州至和二年彭師寶舉族趨辰州告其父仕羲之惡且言仕羲嘗殺誓下十三州將奪其符印並有其地貢奉賜予悉專之自號如意大王補置官屬將起爲亂十月仕羲內寇詔湖北路發兵捕之於是知辰州宋守信與通判

賈師熊轉運使李肅之合議率兵數千深入討伐以師寶爲向導兵至而仕羲遁入他峒不可得俘其孥及銅柱而官軍戰死者十六七守信等皆坐貶嘉祐二年以彭仕羲曾梗招安遣三司副使李彥文鈐轄竇舜卿侍御史朱處約等大出兵臨之且馳檄招諭仕羲乃陳本無反狀守信輕信師寶之譖願以三十州舊地復貢奉內屬朝廷又遣殿中丞雷簡夫往視之簡夫度仕羲未可專用恩澤誘化至則督諸將進兵築明谿上下二砦據其險要括取故地五百餘里仕羲計窮遂歸其連歲所掠甲仗士卒詔辰州還其孥及銅柱今縣東南百二十里明谿有雷簡夫題名

紅字碑敘征伐招撫之由熙甯五年遣章惇經畧湖北辰州布衣張翹上言江南諸蠻雖有十六州之地惟富峽敘僅有千戶餘不滿百土廣無兵加以洊饑近向永晤與繡鶴敘諸州蠻自相仇殺衆苦之咸思歸化願先招富峽二州俾納土則餘州自歸竝及彭師晏之孱弱皆可郡縣詔下知辰州劉策商畧策俱如翹議行明年富州向永晤峽州舒光銀光秀皆納土請降八年提點刑獄李平招納彭師晏誓下州峒蠻張景謂彭德儒向永勝覃文猛覃彥霸各以其地歸版藉師晏遂降十二月詔修築下溪州城並置砦於茶灘南岸賜新城名會溪新砦名黔安戍以兵隸

## 永順縣志

### 卷之一

疆域志

沿革

十六

辰州出租稅如漢民元祐三年羅家蠻寇抄詔召都誓主彭仕誠及都頭覃文懿等至辰州約敕之元至元中置永順路後改永順宣撫使省三溪州以感化州會溪施溶臘惹驢遲麥着黃等處屬思州南渭州屬葛蠻安撫司均隸湖廣行省後彭萬潛自改爲永順等處軍民安撫司至正二十一年詔四川宣慰使李忽蘭吉參政曲里吉思僉省巴八右丞汪惟正分兵取五溪峒蠻時思播以南蠻獠叛服不常至是討之十一月諸將鑿山開道綿亘千里諸蠻設伏險隘木弩竹矢伺間竊發悉擒之復遣諭諸蠻酋長率衆來降案辰州府志推官侯加地注云泊崖峒田萬頃

楠木崗孟再師侵辰境詔下調湖廣四川軍馬徂征湖廣以荆湖北道都元帥脫里察招討使田興祖等統兵從澧州進四川以曲里吉思李宣慰從西陽諸道並進克之萬頃出降擒兩崗主以獻詔下諸崗立爲一府九州分隸湖廣四川崗官可授宣慰敕泊崖崗升爲施溶州命萬頃知州事可與元史參觀三十年田萬頃等復叛攻之不下成宗卽位赦之亦不降於是命行樞密院副使劉國傑討之九月國傑馳至辰州進攻明溪魯萬丑擁衆自上而下千戶崔忠百戶馬孫兒戰死十月進兵桑木溪萬丑復以千人拒戰却之明日萬丑倍衆來攻國傑鼓之百戶李旺

永順縣志

卷之一

疆域志

沿革

十七

率死士陷陣賊敗破其巢焚之進攻施溶州部將田榮祖請曰施溶萬頃之腹心石農坎三羊峯其左右臂也宜先斷其臂而後腹心乃可攻國傑曰善揮軍攻石農坎賊棄砦遁遂進拔施溶州擒萬頃斬之復窮捕其黨賊悉平至正二十年僞漢陳友諒據湖湘間噉諸苗以利資其用諸苗亦爲盡力明史土司傳明太祖卽吳王位湖廣安定宣撫司向思明遣長官硬徹律以元所授宣撫敕印來上請改授乃命仍置安定等處宣撫司以思明及其弟思勝爲之洪武二年置永順軍民安撫司領三知州六長官司三知州上溪州今內龍爪保南渭州今白砂保施溶州今施

溶保六長官司臘惹驢遲崗今下榔保大小龍村等處施溶崗今上榔保坡巖等處麥着黃崗今王家保田家崗今田家保白崖崗今龍山白巖里五年辰澧諸蠻作亂帝命鄧愈爲南征將軍以周德興吳良副之愈出澧州討散毛諸崗德興出南甯焚鳳安田諸州良出靖州討會同古州等路指揮吳復攻九溪辰澧諸蠻悉平今施溶保有吳良界六年陞永順安撫司爲宣慰司宏治中貴州苗及米魯賊叛永順宣慰使彭世麟以從征功進階昭勇將軍嘉靖初年倭人入寇永順土官田菑田豐皆從征死焉王陽明集有祭永保土兵文十九年五砦司苗侯答保結黨出劫

永順縣志

卷之一

疆域志

沿革

十八

苗官龍騰霄被傷辰沅兵備副使季瑜調永保千人抵其砦擒侯答保等二十二年詔都御史萬鏜勦撫叛苗守備鐵冠等督宣慰彭蓋臣田興爵領兵入爆木坪苗恃險益張會暑雨遂班師留弁兵防守二十三年萬鏜納苗官田應朝策誘致龍母叟督兵破之鏜奏母叟罪大命安置遼東三十一年參將石邦憲以計購烏朗土官田興邦等斬吳黑苗湖貴悉平萬歷三十一年初保靖土司彭養正惡其長子象乾愛庶子象坤而酉陽土司冉御龍故與永順土司彭元錦有隙象乾者御龍之甥也元錦乘養正死以兵逐象乾欲以報御龍知辰州瞿汝稷偵知之先期馳檄

開諭元錦解兵去三土司皆安

國朝順治四年甯南大將軍恭順王臨辰州永順土司彭宏澍率長子肇桓及舍把併所轄三土知州六長官五十八旗三百八十崗苗蠻軍民人等効順先後頒給 敕印仍授原官康熙元年時永順保靖土司互相仇殺屢遣人解莫能平辰州推官王孫麟馳至其地別其曲直諭以大義兩土司皆帖服事解二十四年苗出劫鎮溪守備徐進朝追之入補頂砦遇伏陷官弁兵民數十人左都督郭忠孝進討大吏卽以爲總統永保二司土兵三千咸聽節制雍正五年彭宏澍子肇槐納土南渭州土知州彭萬金之後彭

## 永順縣志

### 卷之一

疆域志

沿革

十九

宗國施溶州土知州田建霸之後田永豐上溪州土知州張義保之後張漢儒臘惹崗長官司田世貴之後田中和驢遲崗長官司向迪踵之後向錫爵麥着黃崗長官司之後黃正乾元會谿巡檢汪良之後汪文珂明田家崗總管田勝祖之後田蓋臣均請內陵朝廷安置土司於便地始置郡城爲永順府附郭爲永順縣分永順白崖崗地爲龍山縣永順縣之西南爲保靖縣其東北爲桑植縣同隸永順府永順縣治一十八保外有功全西英沖正羅衣四保均縣地今移府同知駐古文坪分治之其賦稅學校仍隸於永順縣焉

修志曷難乎難於無徵不信耳邑無文獻其何以  
徵雖然自開闢以來邑事之未詳者良多其散見  
於列史者亦復不少蒐而輯之誰謂邑獨無文獻  
乎哉以視夫昔之僅據土司舊志成編者抑亦有  
間矣

永順縣志

卷之一

疆域志

沿革

二十

山川

縣屬諸山脈絡

縣城發脈遠自湖北鶴峯州分枝一入桑植一入龍山其正脈由龍山分水嶺分枝左枝入外塔臥爲城後護右枝入車窩下半保經洗車外白砂等保爲城外護中一枝入治西北外顆砂十萬坪分枝右枝入車窩上半保歷守車勺哈等保爲城右護左□入內塔臥上半保經內龍外龍等保出永定縣治中一枝正脈由內塔臥下半保經內顆砂轉外顆砂折正北七仙界至萬笏山起少祖山又分枝左枝入內龍下半保歷上榔下榔施溶等保爲治左護右枝經奇都湖擺里楊公橋爲右護中一枝由奇都湖至梯子巖分二枝左旁枝經樹洗科至花園坡止右正枝由北門沖魯家山桅桿坡出脈由西北折正北向南爲縣城西北有外顆砂外塔臥山蔽其後西南有外白砂田王等保山屏於前東南有內白砂上榔下榔施溶山東北有內塔臥內顆砂內外龍保山環於左西北有車窩守車洗車勺哈等保山護於右本城居中馭外在川黔湖北三省交界之間方城爲城洵一大都會也

旗鼓山

城南五里

體亞山

城南百

一與保靖交界

拏取牙山 百城里南

野豬山 十城里南 九 產野豬

三門洞 十城里南 九 江中三大石對立如門

若夕洞 十城里南

剝氣洞 城 南

響水洞 城 南

老虎洞 六城十南里大河

田家洞 百城里南 一

猴兒洞 城 南 面石為穴產猴

水田山 百城里南 泉灌數十里田

騾駝山 城 南 產獸如騾駝

永順縣志

卷之一

疆域志

山川

二十二

桂竹山 城 南 多桂竹

太陽山 十城里東

三鎗山 六城十東里一百 沅陵交界處

賀虎山 十城里東 八 昔土官獵此殺一虎衆賀焉故名

飛霞山 十城里東 二

飛鳳山 十城里東 三 兩峯若鳳翅

高仰山 十城里東 九

萬笏山 十城里北 三

觀音山 十城里北 五

玉屏山 五城里北 十 八景之一

偏巖山 關城外西 路通龍山湖北沙石陡坡下有深潭行

路者常失足墮水乾隆二十五年前知府張天如由對岸開路並於河設渡船

羊峯山 十城東八里

心印山 九城東十里南

蟠龍山 十城東九里北 山勢蜿蜒下有馬谷坡

奇峯山 五城東十里南

泰平山 三城東十里南

繡屏山 三城東十里南 六峯拱抱如城

天馬山 十城東三三

將軍山 十城東三三 四山環繞此山如將軍獨立

錫帽山 三城東十里南

永順縣志

卷之一

疆域志

山川

二十三

雲靄山 百城餘東里南 峻峰俯瞰路由頂下下有力巖坡

高望山 百城東五里南

玉筍山 南城東 山如玉筍舊志靈溪八景之一

拜天山 南城東

和尚山 南城東

黃連山 南城東 產黃連木

蘭蕙苦山 南城東 產蘭土名洛送苦

巖峯山 南城東 產巖峯

巖人山 南城東 石狀如人土名農那必皆

蘇木山 城東南 生木可染紅紫土名陳含苦

鴉噪山 城東南 多竹木鴉朝夕噪

臘惹洞

南城東

泉出洞中每遇旱祈雨多應

犀牛洞

南城東

傳有犀牛常現

古老六大洞

福石洞均寶瓶洞南三十里舊司賀治其

屬一瑣山峩縣洞境今

福石山

舊司治後

祿德山

舊司治左

壽德山

舊司治

案此三山舊志誤合為一山

巖屋山

城八里西

打洞

城三西里南大河

紗帽山

城三東里北

牛角山

城外東塔北六保十一在城北內顆砂保

附茄吾大俗稱山之曰茄曰吾

永順縣志

卷之一

疆域志

山川

二十四

送答茄

洞城山東後龍

巖送茄

城馬山東後天

巖納吾

磚在坡砌

卸吾

城一東里南

卸捏吾

城山東巖羊

與卸吾舊有些柵久廢

附坪

較場坪

城二東里南

土人常演武於此

搏射坪

城三東里南

土人常搏射於此

青天坪

城百餘里南

一上有石屋可容百人

縣境諸水源流

縣治之水源有三一城河自龍山汝池發源經車窩守車勺哈等保繞城南至列夕與大江水合達王村計程二百七十餘里一大江由湖北宣恩發源歷來鳳入四川酉陽州境經龍山保靖出列夕河與城河水合出王村達辰河此卽酉水之源一治後河自湖北鶴峯州發源至十萬坪歷上崗沖天溪下崗兩河口會桑植綠水河涼水河下達永定澧州此卽澧水之總舊志所載源流經緯多有未悉今特窮極原委別其經緯庶一邑之細流巨浸無不若網在綱焉

永順縣志

卷之一

疆域志

山川

二十五

牛路河

在城東南五里

爲靈溪下流上溯自舊司城約五

六十里下順赴王村又五六十里凡由王村陸路趨

城必過此河兩峯夾峙懸巖今設有渡船

列夕河

城南八里

由外大江與城河下流會入王村

喇著河

城東北

源出內顆砂保七賢界經長官寨出釣

磯巖入靈溪計八十里

顆砂河

城東北

源出內顆砂保弄搭張家灣經沙道灣

馬家槽巖板鋪顆砂桃花庵前流入石洞里許復出

釣磯巖合喇著河入靈溪計四十里

勞車河

城西八里

發源洙亞車經牛欄溪店房而出魯

碧潭計七十里

榔溪城東南四十里源出東北內龍爪保九官坪向西北徑

流經西壩湖打革車而出舊司城計二百三十里

兔車溪城東北百餘里源出兔車順流至鋪土巴入北江與

保靖惹毛坪交界

納溪城東南六十里西流入大江卽古老六洞之一

白水溪城東南八十里源出上榔保響水洞由寶坪鴨茄寨

大農村而出王村計三十里

靈溪城東北三十里源出蟠龍山分二支西南流一由外塔

臥保一由馬落坪合流經墨池桃樹湖自生橋舊司城而出牛路河五六十里唐置靈州郡於此

白沙溪城西南有連雲坡左右兩泉自山迸出合流

## 永順縣志

### 卷之一

疆域志

山川

二十六

入靈溪

明溪城東南百二十里源出施溶保方石砦東南流經辰州

沅陵縣界宋史云辰州瀘溪郡有明溪砦水經注云

武陵有五溪雄溪櫛溪辰溪酉溪武溪悉是蠻居通

志云明溪卽櫛溪也一名明灘宋天禧元年詔溪州

刺史彭儒猛至明灘與插血要盟遣之卽此

茶溪城東南百二十里百源出高望山爲會溪上流東南流入

大江五代時馬希範立銅柱處一名茶灘宋熙甯五年進彭師晏爲下溪州刺史築下溪州城置砦於茶

灘南岸卽此

會溪城東南百二十里沅陵界西北流入大江唐天授中置

溪州於此中有鬼灘灘最險怪多石故名

施溶溪城東南百二十里源出吳良界西南流入大江元設

會溪施溶等處長官司

容虎溪城東北六十里接澧州安福縣界

羅衣溪城東南百六十里源出高望山下流入大江

廟溪城南源出辰州府沅陵縣雷公嘴北流入大江

國朝康熙中宣慰使彭廷椿獻雷公嘴鐵廠等地是雷

公嘴原永順地

外顆砂河城北發源外顆砂保東南流出永定大庸

所水勢稍平通舟楫

賀虎溪城東南百二十里源出羊峯山經賀虎塘環繞而達

永順縣志 卷之一 疆域志 山川 二十七

永定大庸所計五十里

五溪河一名績溪城東南自青天坪流合龍爪關大

庸所後

附 酉水考畧

按酉水源流甚長本非一邑之水然自保靖入縣境流二百餘里滙境內諸水以下達於辰實為一邑水道之綱故特摭拾舊聞以備參考若澧水則僅纏元武並未入境從畧焉可也

酉水源流

漢書地理志武陵充縣西酉源山西水所出南至沅陵行一千二百里入沅水經注酉水導源益州巴郡

臨江縣故武陵之充縣西源山東南逕黔陽故縣今龍

山境又東逕遷陵故縣今保靖又東北逕西陽故縣今永順縣

此酉水之源流也

酉水有二源

一明史志施州衛忠建長官司有白水河源出將軍

山散毛宣撫司南有白水河一名西溪自忠建司流

入又東南入永順界

案忠建司散毛司皆在湖北來鳳宣恩縣境府志地輿圖載由湖北宣恩縣高羅發源過來鳳龍山

二縣之卯洞入四川秀山縣之梅樹河以達保靖縣界此一支由湖北來者也

一府志地輿圖載酉水由四川黔江東柳司一作東

至秀山縣濫泥灣流至梅樹河東流以達保靖界此

# 永順縣志

## 卷之一

疆域志

山川

二十八

一支自四川來者也

案府志大江酉水也又名北河在縣西北自湖北宣恩縣來鳳縣及四川西陽州境經龍山保靖入縣境會列夕河赴王村達辰州大河是保靖二支又合流為一也

酉水不止北河

一桑植縣志酉水自桑植縣北橙子界鶴峯慈利分

界之大泉坪南流二十里入桑植界由廖坪馬路口

官溪東合澧水

一沅陵縣志西陽水在沅陵縣西二十里源出小西

山東北入酉水

一酉水在縣東南源出沖正保白羊山經葛籐寨而

入沅境為酉溪

一西水在縣西南源出縣西北南流經縣西南又東  
南流入辰州沅陵縣界

案府志自四川西陽而下一而經保靖永順沅陵自永  
者謂之北河所匯水不而一而經保靖永順沅陵自永  
順則自羊山出者自沅陵為西山出者皆合流於北

永順縣志

卷之一

疆域志

山川

二十九

廣輪

東至鳳灘與沅陵茨洞溪交界一百五十里至沅陵  
縣城七十里

東至龍爪關與永定縣五溪河拖長埡交界一百一  
十里至永定縣城四十里

西至牛欄谿與龍山巖峯塘交界八十里至龍山縣城一百四十里  
南至惹毛寨與保靖縣小西朋交界七十里至保靖  
縣城三十三里

南至土蠻坡與乾州廳蕩溪岩交界二百二十里至  
乾州城七十里

北至巖屋口與桑植縣泥湖塔交界一百三十里至

永順縣志

卷之一

疆域志

廣輪

三十

桑植縣城四十里

北至萬民崗與桑植縣梳子溪交界一百二十里至  
桑植縣城一百零五里

東南至焦坪鋪與沅陵縣葛竹溪交界一百七十里  
至沅陵縣城九十里

東南至山棗溪與瀘溪縣上寅寨交界二百七十里  
至瀘溪縣城七十里

西南至龍鼻觜與乾州廳枝寨交界二百八十里  
東北至桑植縣界一百三十里

東北至麻陽坪與永定縣温塘交界一百二十里至  
永定縣城八十里

西北至傍湖村與龍山縣大歇場交界六十里至龍山縣城一百三十里  
距湖南省城一千零八十里湖廣省城一千六百八十五里  
京師四千零八十里  
東西廣三百里南北袤三百二十里

謹按縣屬各鄉在土司時爲五十八旂以七字爲句每一字爲一旂湊合八句云辰利東西南北雄精能精銳愛先鋒左韜德茂親勳策右畧靈通鎮蓋忠武敵雨星飛義馬標衝水戰湧祥龍英長虎豹嘉威捷福慶凱旋智勝功共五十六字爲五十

永順縣志

卷之一

疆域志

廣輪

三十一

六旂後添請謀二字合爲五十八旂外此更有戎旂獵旂鑲旂苗旂米房旂吹鼓手旂共六旂伴僮七旂長川旂散人旂總管旂旂各有長管轄戶口分隸於各州司而統屬於總司有事則調集爲軍以備戰鬪無事則散處爲民以習耕鑿歸流後割南北兩旂歸桑植以辰東雄將銳愛鎮武標戰龍威各旂之半並先鋒韜茂策通蓋飛馬勇祥虎捷□勝等旂歸龍山其在縣屬者則分龍山辰東等旂之半併西能精德勳靈忠敵星義衝水英長豹凱智功各旂也又福字一旂則係土官宗族散處各鄉今分屬永龍兩邑

關隘

謹案關為總道隘為要區水隆皆有戰守宜知縣屬之阻劇故於關隘特詳四界備載境內險地亦皆附焉

東路

飛霞關十城東二里即牛角路銳峰插天通永定

野毛關百城東一里即野毛坪通永定

西壩湖十城東八里通桑植

百丈關城東石巖對峙峽小流急

榔溪關八城東百一里通辰州及永定

西路

永順縣志

卷之一

疆域志

關隘

三十二

勺哈十城西二里龍山要道

夾樹坪十城西五里保靖要道

南路

旦武營五城南百一里逼近鎮筵永綏各紅苗為乾州要道

田家洞百城南一里苗洞總要道

古丈坪三城南百一里四面高峯中開一坪地接鎮筵近紅

苗策防禦者宜加意

北路

龍伏關五城北十里通桑植新街

東北路

杉木坪十城東八里桑植九谿要道

十萬坪

城八十里東北

桑植要道

李家坪

城五十里東北

桑植茅岡要道

容虎溪

城九十里東北

澧州安福要道

### 西北路

鐵爐坡

城九十里西北

府縣舊志均載紙蓬關查紙蓬關屬

龍山來鳳往來要道地甚平坦無隘可守同治十年府尊魏通稟鐵爐坡山嶺峻險龍山至縣要道有事守此足爲聲援飭令修備故舍彼錄此

店房

城七十里西北

川省西陽黔省銅仁要道

### 東南路

龍爪關

城十五里東南

在青天坪前與大庸所後坪楊林

## 永順縣志

### 卷之一

疆域志

關隘

三十三

鋪爲界臨五溪源河通永定

吳良界

城八十里東南

在施溶保通永定沅陵

王村

城九十里東南

施溶土知州舊地上通川黔下達辰常

爲水陸要道

牛路河

城十五里東南

靈溪下流激石奔沙水勢奇險石

崖俯瞰夾峙十里攀登路窮乾隆二十一年巡撫陳檄飭知府曾宗發改路架橋以無路改架頓止今山路漸闢兩崖砌石可通車馬來往仍設船以渡

北河灘之稱險者信平灘駝背灘茨灘鳳灘繞磯籠灘爲最其餘各灘鱗次由縣境遞下辰州自羅衣灘起四里至陝溪灘七里至太平灘六里至雙溶灘卽

繞磯籠灘二里至蝦子溜灘二里至莫送灘三里至施溶洞灘一里至施溶驛灘八里至順江灘七里至茄灘七里至石明灘七里至桑木長灘八里至茨灘十三里至鳳灘計水程七十五里共十四灘鳳灘則有頭鳳二鳳三鳳之名茨灘則有豬槽溶等名濤飛浪湍行舟多壞同治九年府尊魏稟准援照辰州府抽收商釐章程飭知縣胡啟運王村巡檢王澧督同縣紳蕭永惠熊夢祥周靖邦等在縣屬之鎮溪王村二處各設救生分局於□磯籠灘茨灘鳳灘順江灘信坪灘鼉背灘各設□生船二隻每船水手二名梭巡救溺並飭移保□龍山二縣照章辦理府局總司

永順縣志

卷之一

疆域志

關隘

三十四

其成同治十二年復於王村添派委員二人一坐局經理收支一沿河巡緝盜匪按月輪值以鮑勞逸至今商民稱便頌惠政焉順江灘鼉背灘地隸保靖亦係總局派紳坐灘

西南路

百棲關

城西南百二

路通保靖新關官道直達省會

猛崗河由城西南通王村大河多灘多石上水必衆扛其舟乾隆二十一年巡撫陳檄飭知府曾宗發修浚前府尊曾稟請官商等捐貲自城五十里外之中寨起至王村十五里上之花灘止鑿去灘石數十處然山水漲發亂石滾流兩岸懸巖時多裂隕仍難疏濬

古蹟

銅柱在溪州卽今城南施溶溪上王村下會溪對岸按五代晉天福五年楚王馬希範征五溪蠻五姓歸誠具款狀歃血求誓授彭士愁溪州刺史希範爰立銅柱以爲界學士李宏臯爲之記鐫詞於柱柱重五千觔高一丈二尺入土六尺上八方小圓中空以錢築實歷千百年綠色斑斕洵古物也

紅字碑明溪口石壁上刻宋神宗詔章惇察訪湖北經制蠻事並提刑趙鼎辰州布衣張翹名卽殿中丞雷簡夫勦撫彭仕羲事

世忠堂

在明永順宣慰司治

宣慰彭世麒建劉健銘焉陳獻章

永順縣志

卷之一

疆域志

古蹟

三十五

贈以詩

仙人洞城東八里仙居也人有宴會輒置洞口借酒器輒得後有不潔不還洞閉

仙人舟在渭州南

仙迹也河岸壁立空懸一船

老師巖

城東十五里

昔巫求雨雨作石現巫形仗劍披髮

如生今禱屢應

女娘洞

在施州溶

昔巫求雨見績婦洞口旁置瓶巫率眾

上金鼓鳴婦怒瓶擲雨下

茄曬土

城東南南溪南岸靈

土蠻畏吳著送曬甲石洞橫木尙

存後有人緣登近洞尺許雷雨懼返

仙人棺

在渭州南

棺懸石壁不知年代

石屋城東南九上天然巧構屋容百人

飛來石閣城東二十里棟宇門戶宛若神工

玉泉古洞城東五十里洞深泉潔菩提幻境也

巖屋堂城西南八十里有屋寬廠入之者如登天堂

月樣池城東二十里池成月樣瀾漪生時如冰壺魄

濯

太乙池由太上平昔鑿池儲水以禳熒星後池涸舊司治

常火

射圃池司城東南五里宣慰彭宏澍浚此洗盞觀射

松雲潭城東南舊有醒心亭安壽山房

箭潭北在王村昔仙人射石透壁箭今存

# 永順縣志

## 卷之一

疆域志

古蹟

三十六

洗甲溪黃在麥着昔土人奉征調洗甲於此

顆砂城東北產石形圓色赤若丹砂

自生橋城東三石成橋背駝下洞容數百人舊有

亭北通山洞進人口船穿洞水深雷吼疑潛蛟龍為

舊志靈溪八景之一

蓮池城東南有紅白二蓮池

官魚潭在麻坪阿長四十里內有魚潭十餘處宵火星

聯魚舶成市

天池城東南七坪一名天堰

飛泉城東五下急流飛瀑望若珠簾

甘泉城東南出石罅水僅一泓四時不涸

呂公潭

城北三十里

以巖上呂祖祠得名

龍虎潭

水最深有石虎頭

龍潭

一在靈谿

即舊龍窟也又名弄答

象潭

城南東

永城八景城鄉各載八景餘刪

玉屏煥彩

城北十五里

山如玉屏五峯起伏復有小屏縣

城倚焉每當日出光彩煥然

文筆擁秀

城南三十里

三峯並峙中峯尤卓

榜山雨霽

城西二里

屏開挂榜霽色如畫

福嶺霞蒸

城東十里

山翠霞蔚天門若闢

龍洞朝雲

在城東飛霞山

飛龍雲從晨興則雨

# 永順縣志

## 卷之一

疆域志

古蹟

三十七

雙溪夜月

城南

東西夾流南會入河天心皓魄水面

雙輪

河港溫泉

城南十里猛崗河

泉溫如玉濯被常春

連橋新市

朝陽門外

溪臥雙虹亭布列肆煙景葱蒨晨夕

迷離前太守袁題額

顆砂八景

晨巒盪碧

城西十五里

泉漾山影碧光浮空

晴野流虹

南顆砂三里

雲水流繞池草生春

北嶺樵歌

在顆砂北

樵唱鳥和天籟自然

東江漁火

松雲北四泉石右

宵星閃耀畫在望中

竹橋詩意

在顆砂右

釣魚思詠趣勝濠梁橋爲土司幕賓

張天祐建

松隴棋聲

水顆砂前左右篆碧

二松交翠華蓋擎霄夜半風

生饒有棋韻

平川霽月

隴在松左

萬籟初寂水月輝流

老圃寒梅

顆砂側署

雪香撲鼻雅淡宜人

永順縣志

卷之一

疆域志

古蹟

三十八

永順縣志卷一

建置志

夫築斯城也鑿斯池也聊固吾圉尙已然其間隆規制謹蓋藏嚴斥堠列闐闐以及除道成梁式閭表宅無非體國經野事也永爲郡首邑旣不安莒人之陋又何必譏梁伯之功志建置

城池

萬壽宮

衙署

倉庫

公廨

永順縣志

卷之一

建置志

目錄

三十九

坊市

津梁

坊塔

城池

城附於府縣城卽府城也地名猛崗卽通志稱尙崗國朝雍正七年知縣李瑾築城週五里三分計長九百五十四丈高一丈三尺入土三尺加女牆三尺合一丈九尺均甃以石設五門東曰朝陽南曰文昌正西曰義和西北曰來儀北曰拱宸門之上各一樓高二丈六尺計礮樓十四垛口千一百八十設水門四經始於雍正壬子四月告成於癸丑五月除知府袁承寵倡捐銀三千兩知縣李瑾捐銀一千五百兩外共費帑一萬七千兩有奇道光及咸豐初年知府諸嘉杏梁芸滋知縣裕麟陳秉鈞前後迭修咸豐六年

永順縣志

卷之一

建置志

城池

四十

東門城樓火知府黃其表知縣孫翹澤修復添設東南正北礮樓二同治四年署知府周簪修正西礮樓一十年知府魏式曾倡捐率僚屬重修一律完固十二年六月大水衝毀城垣數百丈知府魏式曾知縣唐賡估需工料銀六千餘兩是年十二月署知縣董耀焜稟勘大西門外應築石隄護城估工料銀二千餘兩奉文合郡捐辦知府魏式曾倡捐銀八百兩知縣唐賡董耀焜各捐銀三百兩委分府試用巡檢周炳南督修十三年九月工竣護城石隄在東門外高丈餘長十餘丈咸豐二年知縣陳秉鈞捐廉築

池以衛城永邑雙流夾抱西則猛崗河自玉屏山右  
環城而南可通舟楫東則白沙河自城東北繞至南  
關外兩水合流由坤出巽皆不假修鑿者也

### 附廢城

施溶州城長官司田氏建在縣治東南九十里歸流  
後裁缺城亦廢

南渭州城在縣治西長官司彭氏建歸流後裁缺城  
廢

羊峰城在縣治東羊峰山下其建廢失考或曰卽西  
陽故城也

龍潭城在靈谿下流宋谿州刺史彭允林建址猶存

## 永順縣志

### 卷之一

建置志

城池

四十一

會谿城卽下谿州城宋熙甯中築後廢爲坪卽今之  
會谿坪

舊司城在縣東三十里其地四面皆高山前土司因  
以山爲城並無石甃木棚雖有東南西北四門空存  
其目土司據之甚久自歸流後亦廢

改建石城兩司會詳藁

爲飭議事本司等會查得永保龍桑四縣城垣奉  
憲臺批飭檄司會議當卽轉行該府逐一詳查確議去  
後今據該府行據永順縣詳稱永順土性雖屬有砂  
非不可建築城垣但不若石城可垂永久明知養廉  
有限如力不逮尚可典貸告成何敢派累等情又據  
保靖縣詳稱從前估計以動帑圖其省今之請改願  
捐亦以不增帑項圖其成將內城石移砌於外少石  
三尺所需約如所捐之數是爲力所能勉敢萌不肖  
私心甘以性命殉之等情又據龍山縣詳稱改建石  
城捐貲修造實出卑職身沐

永順縣志

卷之一

建置志

石改建

四十二

皇仁

憲德正當竭盡駑駘卽借貸變產亦所樂從斷不敢藉  
端派累自干嚴譴等情又據桑植縣詳稱卑職城基  
東南皆山西北臨水非不可築土城但日引月長難  
保無傾頽貽累後患明知養廉有限求免後患卽典  
貸亦必竭力辦理何敢派累以辜愛惜邊氓德意卽  
據永順府亦稱願捐銀三千兩係兩歲養廉並非沽  
名期免日後傾圮之累等情議詳前來本司等伏查  
此案城垣先經該府縣估定高寬丈尺形勢需用磚  
石等項造冊詳請  
題達奉文遵照在案似不擅行議定議改以瀆

憲聽者也該府因見所築衙署圍牆土性帶砂有隨築隨倒之患是以計及城垣有移內石砌外之議無非圖其堅固可垂永久諒不敢萌不肖之心以自貽伊戚也茲各該縣均以堅固爲辭願捐而且有身家性命之憂情辭愷切似非虛假至將來造報如以土城報銷難免朦混應將內石移外各捐聲明在大部必以經久者稱善似不干駁詰者也茲據前情相應聯銜會詳

新建永順府城垣記

知縣 李 瑾

永順古荒服之地舊隸土官宣慰司統三知州六長官司治之 本朝設流官同知副將各一員彈壓其地皆負險而居未有城郭雍正六年原宣慰司現任參將世襲拖沙喇哈番彭肇槐輸誠獻土

皇上准其請勅部行

督撫

議奏於是議改永順司爲永順府

以永順縣附郭分設龍山縣其保靖桑植皆設縣屬永順管轄所設員缺皆就近簡選調補而辰州府憲袁廉能素著遂調守永順時瑾任沅陵深愧德涼濫膺民社乃以附近永疆亦謬蒙 各上憲簡調疏入荷

永順縣志

卷之一

建置志

新建城垣記

四十四

恩旨俞允到任之日

詔發帑金建立城池先是 巡察御史唐勘邊至永以猛崗之地曠濶平陽宜建城垣先行摺奏 巡撫都院趙 安輯六里率同文武等親臨相視僉以爲可指示建設事宜以瑾爲附郭首邑檄令董治其事適有吏書姚惟孝陰陽學陳紹堯皆善堪輿隨同登山尋龍始知此地自湖北八面山起祖歷容美桑植至永順由武當山之東復折而西蜿蜒起伏至永順結玉屏開帳頓起觀音山層巒疊嶂落脈平陽結茲城局而左右隨龍之水直會於城局之南流出辰方且東則飛霞諸山龍勢飛舞西有挂榜諸山如倉庫如旗

藩南則文星羅列水口完固果天然一都會之地千  
百年藏閔於此今蒙

皇上聖德神功度越千古始開建茲地創造城垣山明水  
秀煥發於光天化日之中固斯民出草昧而遊雍熙  
之幸亦斯地闢混沌而入文明之會也任是役者敢  
不矢公矢慎以奏乃績然受事之始初不知土性多  
砂惟兢兢以物力維艱冒破 國帑爲念請官莊以  
易民田翦荆棘而平溝阱審視量度命匠估計佈城  
五里三分圍長九百五十四丈高一丈九尺內外入  
土三尺用石墊底出土石砌三尺土築一丈三尺又  
加女牆三尺東西南北議設五門又設四水門城之

永順縣志

卷之一

建置志

新建  
城垣記

四十五

上設五樓一十四礮樓一千一百八十垛口估計土城詳  
憲咨 部議允發項興工孰知經營伊始各廟宇衙  
署所建垣牆隨築隨圯始知苗土砂多未可以垂永  
遠與其於事後而受賠補之累不若於先事而爲一  
勞永逸之計爰請命於 府憲躊躇會計遂以改建  
石城具詳除動用帑項外有不敷郡邑願捐養廉蒙  
各憲允准於是鳩合匠作則有若攻石之工攻木之  
工攻鐵之工塼埴之工設色之工皆聞風踵至分辦  
人役則有若董伐石者董陶甃與堊者董甃築者董  
采運木料者皆奔走趨事架屋以宿工匠其用□□  
有餘間修石以砌外城其用八萬四千二百一十塊

有奇丁石以橫鉗其用四萬六千八百塊有奇大石以作靠其用四萬八千三百六十塊有奇內城純用荒石以壘築其用五萬四千五百一十塊有奇中用鶯石土泥夯築以實腹其用二千一百九十四兩五錢有奇項用石板以蓋面其用一千三百四十六兩有奇至於累甃以成墉濡堊以甃甃錘鐵以護重門需材以爲板築爲樓榭爲車輪爲門扉爲塼模爲鞏架人工飯食費用浩繁他若開山有奠肇基有祀修橋運載以及廩給犒賞工食優卹之類備載籍中者又不一而足統計經費除 國帑照原估冊奏報外所有零用 府憲捐銀三千兩瑾亦捐養廉銀九百

永順縣志

卷之一

建置志

新建城垣記

四十六

九十二兩經始於壬子之春落成於癸丑之夏不踰年而猛崗非復曩時之景象矣金湯在望磐石永奠樓閣崢嶸煙火稠密落成之日諸父老僉謂余躬親勞苦是宜有記以垂來禛殊不知此皆我

皇上至仁遠被山川効靈 各上憲籌畫周詳 府憲躬親指授故荒陬遠徼頓成都邑而瑾以菲材謬司其役得附名以垂不朽亦已幸矣夫何敢自以爲功乎是爲記

萬壽宮

在城東門內正殿三進東西朝房各五楹乾隆十五年知府駱爲香知縣陳朝圭建道光十一年知府諸嘉杏重修同治十二年六月大水知府魏式曾知縣唐賡重修

衙署

縣署在城西隅中建大堂三間堂後東西各二間次  
建二堂三間後建住房三間東西廊各三間立圍牆  
開虎座門東廚房三間大堂前東西各六間爲六房  
書吏辦公處所儀門東土地祠南向三間門一間西  
爲監獄正大門三間東西各二間皂班居之共房四  
十四間雍正十年前縣李瑾領 帑創建併庫監共  
費銀九百六十一兩三錢四分五釐咸豐六年前縣  
孫翹澤修同治十二年水災後知縣唐賡借廉重修  
訓導署原建在縣學宮之左雍正十一年訓導黃日  
炳領 帑創建共十七間嘉慶二十四年訓導歐陽

永順縣志

卷之一

建置志

衙署

四十八

金璫添建明倫堂道光二十九年訓導唐隆運改修  
咸豐十年訓導易光焯重修同治十二年訓導羅教  
純重修

典史署在縣署儀門右大門一間二門一間東西書  
皂房二間大堂三間二堂三間住房三間廚房一間  
書房一間共十五間用銀一百八十八兩七錢三分  
雍正十年典史閻繡領 帑創建乾隆六年典史陳  
尙義添設堂房一間咸豐六年典史查宜勤重修同  
治十二年大水後典史張開珍借廉重修

王村巡檢署在城東九十里王村市大門二間書皂  
房大堂二堂住房廚房書房共十八間雍正九年巡

檢王進孝領 帑銀一百八十八兩七錢三分創建  
專城汛千總署在城北隅原爲把總署雍正十年領  
帑建同治十二年大水後千總胡得元借廉重修

王村把總署在王村計十八間舊爲千總署久經朽  
壞現任王村汛把總周定邦重修

### 附廢署

田家崙巡檢署原設舊司城嗣詳請移駐永定衛所  
雍正十年巡檢朱士魁領 帑建其銀數間數與典  
史署同乾隆元年設立永定縣缺裁其署爲永定典  
史署

顆砂土司舊署

城東北四十里

雍正二年彭肇槐遷署於此

## 永順縣志

### 卷之一

建置志

衙署

四十九

改土初縣城未建郡守邑宰悉駐劄焉

舊司城巡檢署雍正三年設同知一員駐劄其城後  
設把總一員居之旋改設萬民岡

施溶巡檢署原在施溶溪後改設王村署廢

### 附監獄

在縣署儀門右雍正十年知縣李瑾領 帑建監房  
三間獄神堂二間外監三間同治十二年六月十六  
日大水衝塌無存知縣唐賡請款重修並添內監三  
間女監二間

倉庫

常平倉在縣署左圍牆內倉廩一十四間乾隆三年知府徐正恩領帑建同治十二年水災後知縣唐賡請款修葺

永豐倉在府經歷署後共倉廩一十六間道光二十三年知縣方壽康建現儲救生局積穀同治十二年大水知府魏式曾捐廉修葺

王村兵穀倉乾隆三年知縣徐正恩領帑建原止二間後移在巡檢署頭門內共七間

義倉在本城保同治三年知縣任瑛以軍需餘款置建計頭門三間正屋三間房一間廚房一間過廳一

永順縣志

卷之一

建置志

倉庫

五十

問倉廩三間池塘一口各保均有義倉

膏火倉一在崇文書院一間二廩一在文昌宮一間五廩

附廢倉

一在東門外雍正八年乾隆二年先後修建今圯廢招佃耕種

一在且武營原儲兵穀乾隆二年建今廢

庫

縣庫在大堂之左

公廨

巖弄磯公館城南四里 雍正十年知縣李瑾捐建

王村公館城東九里 雍正十三年知縣徐正恩捐建

夾樹坪公館城西五里 乾隆五年知縣王伯麟捐建

撫字坪公館城東五里 同治十年知縣唐賡重修

四縣公館在府署左側道光二十六年府屬公建同

治十年知府魏式曾籌款重修十二年大水復修

育嬰堂在縣署左側八間雍正十三年知縣徐正恩

建

養濟院在東門外九間乾隆二年知縣徐正恩建

棲流所在東門外三間乾隆四年署縣事經歷謝昌

永順縣志

卷之一

建置志

公廨

五十二

言捐建

醫館在府學宮側二進三間同治四年知府周籛建

同善堂在府學宮側同治五年知府舒齡知縣薛超

文設

軍需局在文昌閣殿右一間同治二年置局今撤

米局在府城隍官廳同治九年知府魏式曾設並題

額

救生局初設南門外楊公廟尋移在四縣公館同治

十年知府魏式曾知縣唐賡設

附放生池一在崇文書院前一在府城隍廟後

康濟保甲局在永豐倉同治十二年知府魏式曾知縣董耀焜設

坊市

興隆坊

城內東門

清甯坊

縣前街

忠孝坊

縣署左

威鎮

坊

城中

興仁坊

城中

興化坊

城中

永興坊

小西門內

老

街

城中

甲科坊

城中

福德坊

城中

拱宸坊

北門內

忠

義坊

關聖廟前

威靈坊

府城隍前

顯應坊

縣城隍廟前

文明

坊

縣文廟右

近聖坊

府署左

以上城內

吉祥坊

在坡子街又仁里坊

五通街

即坡子街東門外

新街

東門

外

迎恩坊

在迎恩橋邊

永鎮坊

在永濟橋邊

興隆坊

在太

邊

平橋

又新坊

在關帝廟側

轉興坊

在崇文書院側

後街

在東

外門

通浦坊

在後街又靈通坊

來儀坊

小西門外

# 永順縣志

## 卷之一

建置志

坊市

五十三

以上城外

王村市

城南九里十

上通川黔下趨辰常達省會必經於

此乃縣屬水陸大碼頭王村巡檢駐劄市上對河把

總一員同司巡緝建有倉廩儲穀及公館一所

舊司城市城東三十里土司世居有衙署祠墓市肆環列

舊有新街左街河街魚肚街馬蝗口九也街等名

田家洞市城南一百里苗民交易悉聚其中

古丈坪市城南一百三十里舊肆無多然地連鎮算今亦漸

成市矣

旦武營市

城南一百五十里

乾州要衝逼近鎮算永綏營房

外商肆數戶米鹽布疋價昂然亦□□□□□□□□

勺哈市城西二里龍山居民多來貿易買一切木料者聚焉

夾樹坪市城西五里市廛四布竹木葱茂保靖土貨多集有公館一所以便當事往來

西壩湖市城西八里商賈輻輳永定大庸必經之地昔有外委一員後改設萬民岡

列夕市城西八里由王村上進猛崗小河來往行舟泊焉居民商賈聚處

顆砂市城東北四十里土司舊地市貨充盈今不稍減於舊李家坪市城東北五十里店房稀疏桑植人多集此

十萬坪市城東北八十里居民稠密商賈往來桑植要衝田

永順縣志

卷之一

建置志

坊市

五十四

土膏腴山環水繞

杉木村市城東北二十里九溪村賈日夕梭行

百棧市城西北二十里官道通省車馬絡繹永綏保靖人

必由之路

以上鄉鎮

案古今城市凡有騷動首受其害須時時防守故於市會要道既備錄於此並列入關隘門

津梁

猛崗渡

外西門

渡船二隻渡夫二名

自生橋渡

十城東里三

渡船一隻渡夫一名

王村渡

十城東里九

渡船二隻渡夫二名

戶坪渡

十城西里

渡船一隻渡夫一名

列夕渡

十城西里

八渡船一隻渡夫一名

榔溪渡

四城十東里南

渡船一隻渡夫一名

釣磯巖渡

十城北里三

渡船一隻渡夫一名

舊司城渡

十城東里三

渡船一隻渡夫一名

案舊渡

縣志二原載牛本路河渡船一隻渡夫四名王榔溪渡船

十船二名隻每渡夫二名麻食銀四兩共銀四十二名共按季夫

永順縣志

卷之一

建置志

津梁

五十五

由藩庫造三分城項夫銀四名止給其二渡名係一領項銀龍三頭十

里耶名戶撥桑植大龍磯巖大渡路一哈撥渡沉其陵大溪路二紙名

捐設又案後縣志渡係領十修造餘城二項前戶知縣一李瑾

勺名自生橋一名二釣磯巖路一名擺里一夕一名是與原設城

處今查夫麻只溪存則無城王村牛榔路又三處無麻夫溪榔就溪其二

守現土官者隨時制宜於原設也屢其曰本城即縣猛崗志不符亦

偏巖渡

關城西

渡船一隻渡夫一名乾隆三十五年知

府張天如捐設

以上官渡

觀音巖渡渡船一隻渡夫一名

那齊江口渡渡船一隻渡夫一名

老師巖渡渡船一隻渡夫一名

哈里功渡渡船一隻渡夫一名道光十二年宋自拔捐置

勺哈渡渡船一隻渡夫一名龍山孀婦向氏捐置

吳家寨渡城西五里有船無夫

金魚潭渡渡船一隻渡夫一名同治十二年王連甲黎世清捐置

以上義渡

又同治十年知府魏式曾知縣唐賡始置北河救生船

繞磯籠灘船二隻水手四名

永順縣志

卷之一

建置志

津梁

五十六

茨灘船二隻水手四名

鳳灘船二隻水手四名

駝背灘船二隻水手四名在保靖縣

信平灘船二隻水手四名

順江灘船二隻水手四名在保靖縣

太平橋城東關外雍正八年知縣李瑾建木橋上有亭屋

賈肆嘉慶十五年知縣莊心簡與邑人孫應奉改建石橋

迎恩橋城東關外河名白砂與太平橋同時建亦有亭屋

賈肆八景所謂連橋新市

聚龍湖上橋城東十里明隆慶三年宣慰使彭翼南母

彭氏建舊址猶存

聚龍湖下橋在迴龍菴前今圮

榔溪橋在河上榔西宣慰使彭顯英妻彭氏建今圮

竹橋在街右顆砂土幕張天佑建八景所謂竹橋吟意也

顆砂橋在城十里東北長三丈濶三尺高二丈皆累巨石宣

慰使彭世麟建後圮今重修

慈惠橋在城南東舊名錦繡橋在釣磯巖溪岸明嘉靖四

十二年彭世麟改建

麥坡橋在城庫東貯平下明嘉靖年間宣慰使彭世麟建碑石

大書橋名今存

高橋在東城順治四年宣慰使彭泓澍敗寇於此

### 永順縣志

### 卷之一

建置志

津梁

五十七

自生橋在城十里東三天然石架駝背如橋

楊公橋在城五里西乾隆間都司楊有鳳建原名五里橋後

人思其遺愛改今名

顆亮橋在城七十里南在顆亮坪王村大路俗名膏梁橋乾

隆二十五年邑人李如德架木爲之上有涼亭

惹汝橋在顆砂大路康熙二十八年宣慰使妻惹汝建今

圮

小龍村橋在城十里南六原土橋乾隆八年向起蛟募修以

石通王村大路

旗溪橋在城十里西三乾隆間呂首元修

萬緣橋在城南門外嘉慶十七年副將許天元倡建有碑記

利濟橋

門小西

原名青雲橋道光十五年知府宋宴春

倡建二十三年知府黃宅中捐建二十九年知府梁

芸滋增修同治二年知府張修府重修改今名有記

同治十二年大水橋圯知府魏式曾率屬重修因工

大費絀易石以木光緒元年知縣董耀焜以橋多朽

敗又籌款重修并記

新橋

城東五里

興勝橋

北門外

響檔橋

城西二里

嘉慶間修

連橋

在旗溪

嘉慶間修

米谿橋

城東四里

嘉慶十六年修

# 永順縣志

## 卷之一

建置志

津梁

五十八

鳳尾橋

在砂外保

道光五年修

半夕橋

在巖穴場

道光八年彭騰舉捐修

鄉塘橋

乾隆四十年修

四善橋

在溪車可

乾隆間楊朝宰偕匡向三姓同建

三元橋

城西三里

同治九年姚華卿倡捐修建上有亭

一在城東七十五里三家田

裕後橋

在新邨

道光二十六年武生宋朝武修

活佛橋

在虎賀溪

舊有橋屢圯咸豐五年□尺李宗珩修

小平橋

在狹溪

同治九年彭樹勇捐修□□

樂善橋

在龍砦家

石鐵溪橋

在龍保內

嘉慶二十年修

新橋

在石谿

同治十二年邑人向定元捐建

永保橋

在刺河谿

同治九年監生曾福壽倡修

崇慶橋

在釣巖磯

原建圯於水同治間邑人謝天池梁交

燦等重修

麻風洞橋

在城東許里

蕭聲遠曾福壽朱孫貴同修

小橋

東門外

飭修牛路河檄

乾隆二十一年

湖南巡撫 陳宏謀

照得永順府至王家村陸路一站崇山疊嶺在在險峻內有牛路河深數十丈難建橋梁一上一下將近十里勢甚陡險驕馬轉折艱難若遇雨泥淖更難行走實爲畏途本部院經過相度此河上流不遠卽係高山一線溪流並非寬河大澗對岸之山又係偏坡並非陡巖儘可行走若從上游無河之處取道西南由山坡迤邐而行直抵倚窩坪塘竟可避一上一下之陡險又近數里之程卽或此河上游尚有些小溝澗決不甚寬可以架一木橋卽抵對岸山坡此山土石兼雜修理成路亦不甚費力合行飭查仰永順府親往查勘并帶諳練工匠將應由何處改路何處應修逐段估計繪圖貼說詳請動項飭修此乃永順一郡抵辰抵省之要路水路灘多陸路險峻均須隨時隨路逐漸修理去一分崎嶇卽增一分平坦官民商賈均有裨益切勿忽視

永順縣志

卷之一

建置志

修牛路檄

六十

修猛崗河稟

乾隆二十一年

知府

曾宗發

查永順南城門外起至王村止溪河一道計長一百三十六里現在河面自二丈寬至三丈不等河心自二尺五六寸至四五尺深不等灘下澄潭自五六尺至丈餘深不等河身窄狹如遇春夏水發陡然而至竟有四五丈至七八丈深不等雖旋發旋退而平處蓄水常有六七尺深巉崖隱現波浪洶湧兼之兩旁山腳被水包裹到處磕挫船不龍行又旁無繚岸人難用力遇夜亦無挽泊處所惟此秋冬水落石現灘勢亦平本地土人間用荔溪小船裝載柴草雜貨就近往來而貿易客民與上下行旅究因河中大陸等

永順縣志

卷之一

建置志

修猛崗河稟

六十一

一十七灘巉石梗阻或恐攔淺或慮撞翻情愿重價僱夫起岸不敢輕行今卑府等仰體憲臺利濟生民至意相度形勢詳細商確或剷開兩旁石版石觜以寬河面或鑿出中間大石小石以清溶路則每年春夏兩季雖不能行船而七八月起至十二月並次年正月山水未發時往來舟楫絕無妨礙惟是水中工程不能核算無遺總共約用石匠幫夫八千八百二十六工共需工費銀六百六十五兩零此項工費無幾卑府等身任地方不敢上請公項情愿節省養廉捐修永順令陳惠疇願捐銀一百二十兩保靖令任兆熙龍山令席占桑植令鍾人文亦各願捐銀六十

兩鹽商黃景福因此河一開該商鹽包秋冬之際卽不必盤山過嶺一歲所省甚多踴躍急公望其落成願捐銀一百二十兩其餘用費並或再有些小續增之項俱卑府一人補足所有捐銀總交首邑陳令支發其工程委令經歷嚴心期並王村巡檢韓高華輪流監督卑府仍不時親往查察至此河夾在萬山之中平時山陰水寒今當冬令其寒更甚夫匠身立水中惟巳午二時可以施功其餘止能於灘邊乾處用力幸目下天氣清明氣候尚暖卑府已於本月二十日開工所有告竣日期尚難預定再此河每年水發之時上有漂木衝石而行隨處阻礙再遇暴風大雨兩旁山巖時有崩石壅塞河路此番疏鑿之後尚須歲修至歲修所費更屬有限爲民父母者遵循舊例酌量捐辦亦分所當然也

坊塔

表勞坊

司在城舊

為土司彭世麒立

永順宣慰使司坊

司在城舊

都司木坊城五里西乾隆四十年為永順協都司楊有鳳立

節孝坊

二城里東

乾隆五十年為處士楊大任妻張氏立

節孝坊

村在王

嘉慶十九年為庠生黃學舜妻楊氏立

培英塔

城三里南